

դ) Հայ երաժշտութեան երեկոյ

Արդէն աւանդոյթ է դարձել տարին մէկ անգամ կազմակերպել հայ երաժշտութեան երեկոյ՝ նուիրուած հայ մեծանուն երաժիշտներին: Ինչպէս գիտէք, կազմակերպուել են մեծն Կոմիտասին, Արամ Խաչատուրեանին նուիրուած երեկոներ, ինչպէս նաեւ համերգներ՝ նուիրուած մեր մեծերին:

Այս համերգների կազմակերպման գլխավոր նպատակն է ուսանողի մօտ զարգացնել հայ ոգին եւ հնարաւորութիւն տալ մօտիկից ծանօթանալու հայ հեղինակների կեանքին եւ ստեղծագործութեան:

3. Այլ միջոցառումներ

Աւանդոյթի համաձայն Ծնողական յանձնախմբի միջոցով ամեն տարի կազմակերպուում են գործունեութիւններ, ինչպէս օրինակ՝

- ա. Նոր տարուայ եւ Ս. ծննդեան օրուայ խրախմբանք
- բ. Մայրերի օրուայ հանդիսութիւն

Տարուայ ընթացքում այս եւ յատուկ այլ միջոցառումների մասին ձեզ կը ծանուցուեն յատուկ բացիկներով:

Ծնողները կարող են օժանդակել յանձնախմբային աշխատանքներին: Նրանք ունեն ցանկութիւն ունեն ինչ որ ձեւով իրենց մասնակցութիւնը բերելու երաժշտանոցի ծնողական յանձնախմբի աշխատանքներում, խնդրում է յայտնել Լարքի գրասենեակ:

4. Կարգապահութիւն

- ա. Ուշացում, բացակայութիւն: Անհրաժեշտ է դասերին ներկայ լինել ճիշդ ժամանակին: Ուշացումներ եւ բացակայութիւններ կ'ընդունուեն միայն յարգելի պատճառներով:
- բ. Բացակայութիւնների դէպքում նախօրօք պէտք է զանգահարել գրասենեակ, որպէսզի աշխատակցուիին ժամանակ ունենայ այդ մասին դասատուին տեղեակ պահել: Հակառակ պարագայում բաց թողնուած դասը չի լրացուում:
- գ. Որեւէ պատճառով դասերը ընդհատելու որոշումները պէտք է հաղորդուեն երաժշտանոցի տնօրէնութեան:
- դ. Լարքի տնօրէնութիւնը հնարաւորին չափով փորձում է հետեւել երեխաների ապահով կեցութեանը: Այնուամենայնիւ, յաւելելով զգուշութեան համար, յատկապէս փոքր տարիքի ուսանողների ծնողներից խնդրում է դասերի աւարտից յետոյ լինել իրենց երեխաների կողքին կամ օգնել դասաժամերի միջեւ եղած ազատ ժամերի հսկողութեանը:
- ե. Ուսանողների ամսավճարը մուծուելու է կանխիկ՝ կիսամեակային դրոյթով (Ա կիսամեակ՝ Օգոստոսից Դեկտեմբեր, Բ կիսամեակ՝ Յունուարից Մայիս): Հնարաւոր է նաեւ ամսական կատարել վճարումները՝ իւրաքանչիւր ամսուայ 1-ից 5-ի միջեւ ընկած ժամանակահատուածում: Խնդրում ենք յարգել նշուած ժամկէտը:
- զ. Մաքրութեան պահպանում: Խնդրում է իւրաքանչիւր ուսանողից անհատապէս հետեւել դասարանների եւ միջանցքների մաքրութեանը: